


TEZĂUR LITURGIC

7 IANUARIE

ACATISTUL SF. PROROC IOAN BOTEZĂTORUL, ÎNAINTEMERGĂTORUL DOMNULUI



MOSCOVA, 2000

Акафист

свѣтому славному пророку,

Предтече и Крестителю

Господню Иоанну

Кондак 1

Избранный от лет древних быти Предтечею и Крестителем Спасителя мира Христа Бога, Иоанне богохвальне, прославляюще прославльшаго тя Господа, похвальная восписуем ти, яко большему всех рожденных женами, во плоти Ангелу, покаяния проповеднику; ты же, яко имеяй велие дерзновение ко Господу, от всяких бед свободдай и к покаянию воздвизай нас, любовью тебе зовущих:

Радуйся, великий Иоанне, Пророче, Предтече и Крестителю Господень.

Икос 1

Архангел Гавриил, предстояй пред Богом, послан бысть ко иерею Захарии, егда той, служа

по чину чреды своей, вниде покадѣти в церковь Господню; и, представ одесную олтаря кадилаго, благовествоваше о твоём рождестве, великий Иоанне, возвещая Захарии радость и веселие, и яко мнози о рождестве твоём возрадуются. Сего ради и мы, дивному о тебе Божію благоволенію чудящеся и радуящеся, со благоговеніем в похвалу тебе вопіем:

Радуйся, Совета Божія неизреченнаго тайниче;

радуйся, дивнаго смотренія Его исполненіе.

Радуйся, прежде лет многих пророчеством Исаіи проявленный;

радуйся, вестниче пред лицем Господним, древле прореченный.

Радуйся, предназначенный быти великим пророком Вышняго;

радуйся, по обетованію Ангела рожденный.

Радуйся, ещё во чреве матери твоея Духа Святаго исполненный;

радуйся, прежде рождества твоего на великое служеніе освященный.

Радуйся, неплодства родителей разрешеніе;

ра́дуйся, иере́я Бо́жия ра́дость и весе́лие.

Ра́дуйся, дще́ре Ааро́новы прозябе́ние;

ра́дуйся, пло́д моли́твы Богода́рованный.

Ра́дуйся, вели́кий Иоа́нне, Проро́че, Предте́че
и Крести́телю Госпо́день.

Конда́к 2

Ви́дя Заха́рия явльша́гося ему́ А́нгела, смути́-
ся, и стра́х нападе́ на́нь, и не ве́рова словесе́м
благове́стия его́ о рождестве́ твоём; егда́ же за
неве́рие немото́ю связа́н бы́сть, удиви́а́шеся
пресла́вному чудеси́, все́м се́рдцем вопия́ Бо́гу:
Аллилу́иа.

И́кос 2

Ра́зум неуразумева́емый разумети́ и́щуще лю́-
дие, ждúще Заха́рию, и чудя́хуся, умедлившу
ему́ в це́ркви; изше́дшу же ему́ и не могу́щу гла-
го́лати к ни́м, но то́кмо помава́ющу, разуме́ша
все́и, я́ко видéние ви́де в це́ркви. Мы́ же, про-
славля́юще дивна́го Творца́ чуде́с, Бо́га, вопие́м
тебе́ такова́я:

Ра́дуйся, бла́гий ви́новниче безгла́сия о́тча;

ра́дуйся, слéз ма́тере твоея́ премене́ние на ра́-
дость.

Ра́дуйся, тоя́ поноше́ния в лю́дех отъя́тие;
ра́дуйся, вели́кое ро́ждшим тя́ утеше́ние.

Ра́дуйся, я́ко в шесты́й ме́сяц о зача́тии твоём
Пресвята́я Де́ва Мари́я в Назаре́те от А́нгела
извести́ся;

ра́дуйся, я́ко о рождестве́ твоём мно́зи
возвесели́шася.

Ра́дуйся, я́ко и́мя благода́тное, от А́нгела
нарече́нное, получи́вый;

ра́дуйся, я́ко и́менем твои́м немотствова́ние
отца́ твоего́ Заха́рии разреши́ся.

Ра́дуйся, я́ко и́мя Бо́жие о тебе́ отце́м твои́м
благослови́ся;

ра́дуйся, я́ко о чу́днем рождестве́ твоём страх
и уди́вление в о́крест живу́щих яви́ся.

Ра́дуйся, я́ко по все́й стране́ Иуде́йстей о
ди́внем рождестве́ твоём возвести́ся;

ра́дуйся, я́ко тобо́ю спасе́ние мно́гим в ми́ре
се́м яви́ся.

Ра́дуйся, вели́кий Иоа́нне, Проро́че, Предте́че
и Крести́телю Госпо́день.

Кондак 3

Сила Вышняго разреши неплодство заматоревшия во днѣх своих праведныя Елисаветы: зачат бо тя, славный Предтече Господень, и таяшеся мѣсяц пять, глаголющи: яко тако мнѣ сотвори Господь во дни, в няже призре отъяти поношѣние мое в человецех. Егда же прия Имущую во чреве Христа, исполнися Духа Свята и возопи гласом велиим: «Откуда мнѣ сие, яко прииде Мати Господа моего ко мнѣ!» С Неюже радуящися, зываше Богу: Аллилуиа.

Икос 3

Имѣяй предыти пред Господем духом и силою Илииною, еще из чрева матери твоея исполнился еси Духа Святаго, отонудуже и Пророк дивный показался еси, егда во утробе матери твоея сый, зыгрался еси радощами пришествию Матери Господней. Бога бо познал еси носима в ложеснах Благодатныя и Того матерним гласом проповедал еси: подобаше бо Божественных вещей преславным быти началом. Сему убо благоговейно удивляющеся, с радостию тебе вопиѣм:

Ра́дуйся, ещѣ во утробѣ ма́терней
предпосла́вшаго тя Го́спода чу́дным весе́лием
предъяви́вый;

ра́дуйся, я́ко тебѣ ра́ди и ма́тери твоѣй
Елисавете воплоще́ние Христо́во откры́ся.

Ра́дуйся, я́ко и та́ испо́лнися Ду́ха Свя́та;

ра́дуйся, я́ко и она́ предивная проро́чица
яви́ся.

Ра́дуйся, я́ко от нея́ Пресвята́я Де́ва Мари́я
Блаже́нною в жена́х нарече́ся;

ра́дуйся, я́ко то́ю Она́ и Ма́терию Го́спода
наименова́ся.

Ра́дуйся, я́ко и безсе́менный пло́д То́я
Благослове́нным прона́рече́ся;

ра́дуйся, Прему́дросте Боже́ственныя
предъявле́ние.

Ра́дуйся, свята́го супру́жества благослове́ние;

ра́дуйся, непло́дных ложе́сн дивное
прозябе́ние.

Ра́дуйся, рождѣнием твоим удививый лю́ди;

ра́дуйся, свѣтлый Сло́ва гласе.

Ра́дуйся, вели́кий Иоа́нне, Проро́че, Предте́че
и Крестите́лю Госпо́день.

Кондак 4

Бу́рею сомне́ния смущенный, иере́й Заха́рия не можа́ше, по словеси́ а́нгельскому, проглаго́лати. Егда́ же по рождестве́ твоём, Предте́че Госпо́день, написа́ благодáтное и́мя твоё, а́бие отверзо́шася уста́ и язы́к его́, и глаго́лаше, благословя́ Бо́га, и проро́чествава, глаго́ля: благословен Госпо́дь Бо́г Изра́илев, я́ко посети́ и сотвори́ избавле́ние лю́дем Свои́м, и ты́, отроча́, Проро́к Вы́шняго нарече́шися, поя́ Тому́: Аллилу́иа.

И́кос 4

Слы́шаша о́крест живу́щии лю́дие о пресла́внем и чу́дном рождестве́ твоём, со удивле́нием глаго́лаху в себе́: «Что́ убо отроча́ сие́ бу́дет?» Мы́ же ты́, пресла́вный Предте́че Госпо́день, я́ко бо́льша все́х рождённых жена́ми, досто́йно чту́ще, ублажа́ем си́це:

Ра́дуйся, от зача́тия твоего́ благодáтных явлéний исполненный;

ра́дуйся, в рождестве́ твоём Бо́гом просла́вленный.

Ра́дуйся, во младенчестве́ твоём от отца́ твоего́ Проро́ком Вы́шняго наречённый;

ра́дуйся, во о́трочестве твоём Ду́хом Святы́м
просвещённый и укреплённый.

Ра́дуйся, Бо́га воплотившагося сродник по
плóти бы́вый;

ра́дуйся, от Бо́га высоко́е зва́ние Предте́чи и
Крестите́ля прие́мый.

Ра́дуйся, заре́, Свёт но́вый ми́ру
возвестившая;

ра́дуйся, звездó, пу́ть, веду́щий ко Христу́,
осветившая.

Ра́дуйся, деннице Со́лнца незаходя́маго;

ра́дуйся, свети́льнице Свёта неугаса́емаго.

Ра́дуйся, пу́ть гряду́щему Христу́ уготовля́й;

ра́дуйся, А́нгела и челове́ка в себё явля́й.

Ра́дуйся, вели́кий Иоáнне, Проро́че, Предте́че
и Крестите́лю Госпо́день.

Конда́к 5

Богопроти́вное велéние беззако́ннаго
детоуби́йцы И́рода изгна́ тя из до́му о́тча в
непроходную пусты́ню, носима́ материю,
Предте́че Госпо́день, иде́же и пребыва́л еси́ до
дне́ явлéния твоего́ ко Изра́илю, яды́й акри́ды и
ме́д дивий и Бо́гу вопия́: Аллилу́иа.

И́кос 5

Ви́дяще дивное Бо́жие о тебе́ промышлѣние,
Иоа́нне богохва́льне, я́ко от младе́нческих пелѣн
по́стническаго жити́я любите́ль показáлся еси́,
отону́дуже во́лею Вы́шняго по́слан был еси́
проповѣдати лю́дем грядуще́е во Христе́ спасѣ́-
ние, сего́ ра́ди со удивлѣнием и любóвию тебе́
взыва́ем:

Ра́дуйся, я́ко, ещѣ́ младе́нец съ́й, царя́ И́рода
устраши́л еси́;

ра́дуйся, от напрáснаго уби́ения тѣм
десни́цею Вы́шняго сохранѣ́нный.

Ра́дуйся, пусты́ни шипо́к благово́нный;

ра́дуйся, вы́соотою подвиго́в твои́х все́х
удиви́вый.

Ра́дуйся, пра́ваго пути́ ве́рный указáтелю;

ра́дуйся, чистоты́ и целому́дрія предивный
храните́лю.

Ра́дуйся, ева́нгельскаго самоотверже́ния о́б-
разе соверше́нный;

ра́дуйся, мона́шествующих покрóве и утвер-
жде́ние.

Ра́дуйся, богослѡвствующих умѡв просвещѣ-
ние;

ра́дуйся, грѣшным милосѣрдия Бѡжия двѣри
отверзаяй.

Ра́дуйся, кающимся грѣшником от Господа
прощѣние подаваяй;

ра́дуйся, плоды достойны покаяния творити
помогаяй.

Ра́дуйся, великий Иоанне, Проро́че, Предте́че
и Крестителю Господень.

Конда́к 6

Проповѣдник сла́вный ты́, божѣственный
Предте́че, показался еси́ в пустыни Иорда́нстей
во дни явлѣния Христа́ Бѡга ми́ру. Сего́ бо,
Грядущаго к тебе́, показал еси́ людем, глаго́ля:
«Се́, А́гнец Бѡжий, взѣмляй грехи́ ми́ра!»; Егѡже
мы́ ве́рою позна́вше, поѣм Ему́: Аллилу́иа.

И́кос 6

Возсия́л еси́ свѣт и́стины, Иоанне
богопросвещѣнне, всѣм явля́яй Сла́вы О́тчия
сия́ние, явльшееся плѡтски нас ра́ди. Вопия́л бо
еси́ в пустыни людем: «Пока́йтесь, прибли́жи бо
ся Ца́рствие Небе́сное: сотвори́те плоды́
достойны покая́ния. Се́ бо грядѣ́т по мнѣ́, И́же

креститъ въ водою и Духом». Сего ради похвальная тебѣ вопиѣмъ:

Радуйся, пришествия Мессии возвестителю;
радуйся, путей Господних уготователю.

Радуйся, ветхия и новыя благодати ходатаю;
радуйся, пророков пределе и начало Апостолов.

Радуйся, гласе Слова благознаменитый;
радуйся, покаяния проповѣдниче велегласный.

Радуйся, многихъ сыновъ Израилевыхъ ко Господу обративый;

радуйся, люди совершенны Господеви уготовавый.

Радуйся, фарисеев и саддукеев дерзновенно обличивый;

радуйся, плоды достойны покаяния творити научивый.

Радуйся, просвещения духовнаго указателю;
радуйся, ищущимъ предстательства твоего неусыпный заступниче.

Ра́дуйся, вели́кий Иоа́нне, Проро́че, Предте́че
и Крести́телю Госпо́день.

Конда́к 7

Хотя́щу от тебе́ крестити́ся Го́споду Иису́су,
Иоа́нне богоблаже́нне, глаго́лал еси́: «А́з тре́бую
Тобо́ю крестити́ся», оба́че повину́яся, ре́кшу
Тому́: «Оста́ви ны́не», воздви́гл еси́ десни́цу твою́
на главу́ Его́ и, крестив не тре́бующаго
очище́ния, вопия́л еси́: Аллилу́иа.

И́кос 7

Но́вую пода́я благода́ть крестити́ся
изво́ливый от тебе́ Госпо́дь, сподо́би тя Ду́ха
прише́ствие ви́дети и глас О́тческий с Небесе́,
свидете́льствующий Его́ Сыновство́, слы́шати.
Отону́дуже в Три́ех Ли́цах Еди́ному Бо́гу
покланя́тися нас научи́л еси́. Его́же брѣ́нными
прославля́юще устна́ми, в похвалу́ сия́ тебе́ при-
но́сим:

Ра́дуйся, Тро́ического Богоявле́ния пе́рвый
проповѣ́днице;

ра́дуйся, в Три́ех Ли́цах Еди́наго Бо́га и́стин-
ный поклонни́че.

Ра́дуйся, Ду́ха Свята́го в ви́де голуби́не
яснозри́телю;

ра́дуйся, снисхожде́ния Его́ от Отца́ на Сы́на
свидете́лю.

Ра́дуйся, гла́са с Небесе́ от Бо́га Отца́
слы́шателю;

ра́дуйся, явле́ния любве́ Отчи к Сы́ну
созерца́телю.

Ра́дуйся, Сы́на Бо́жия избра́нный
Крестите́лю;

ра́дуйся, во́ли Его́ святы́я исполните́лю.

Ра́дуйся, сла́внаго служе́ния спасе́нию ро́да
челове́ческаго ре́вностный рачите́лю;

ра́дуйся, вели́каго Та́инства Креще́ния
пе́рвый соверши́телю.

Ра́дуйся, Боже́ственныя ра́дости ве́стниче;

ра́дуйся, Но́ваго Завета́ пе́рвый учи́телю.

Ра́дуйся, вели́кий Иоа́нне, Проро́че, Предте́че
и Крестите́лю Госпо́день.

Конда́к 8

Стра́нное и неизрече́нное смире́ние
воплоти́вшагося Бо́га Сло́ва ви́дев,
богоблаже́нне Крестите́лю, Боже́ственную Свою́
главу́ приклони́вша и ра́бское креще́ние
прие́мша, ты́ и са́м ве́сь испо́нился еси́

великаго смиренія. Испроси́ убо боголюбѣзную добродѣтель сию́ и намъ, одержимымъ гордостію, яко да от сердца смиренна вопиѣмъ Ему́: Аллилу́иа.

И́кос 8

Весь благодатныхъ дарованийъ исполненный, течение временныя жизни скончавая, Иоанне богознамените, всехъ поучал еси́ исполненіемъ Закона и покаяніемъ благоугождати Господеви. Сего́ ради благодарственное хвалѣние тебѣ, великому учителю истины, воспеваемъ:

Радуйся, Закона и оправданій Господнихъ насадителю;

радуйся, Иродова беззаконія обличителю.

Радуйся, о исправленіи того́ рачителю;

радуйся, правды ради темничное заключѣние и узы претерпѣвый.

Радуйся, за истину во главѣ усеченный;

радуйся, яко тѣло твоѣ от учениковъ твоихъ чѣстне погребѣся.

Радуйся, яко Божиимъ смотрѣніемъ глава твоя́ нетленна соблюде́ся;

ра́дуйся, я́ко та́ на утешéние, освящéние и
цельбы́ христиа́ном даде́ся.

Ра́дуйся, я́ко и десни́це твоéй, крестив́шей
Го́спода, ве́рнии благочéстне покланя́ются;

ра́дуйся, я́ко от тебе́ мно́гая чудеса́ те́ми
донь́не соверша́ются.

Ра́дуйся, я́ко тобо́ю ве́рнии от страсте́й
безчéстия избавля́ются;

ра́дуйся, я́ко тобо́ю грéшнии к пока́нию
воздвиза́ются.

Ра́дуйся, вели́кий Иоа́нне, Проро́че, Предте́че
и Крестите́лю Госпо́день.

Конда́к 9

Все́ естество́ а́нгельское удиви́ся вы́сотé слу-
же́ния твоего́, и Це́рковь благоговéйно
прославля́ет тя, я́ко дру́га Христа́ Бо́га,
предше́дшаго пред Ни́м ду́хом и си́лою
Илиино́ю. Ревну́я бо по и́стине, дерзнове́нно
облича́л еси́ фарисе́ев и беззаконна́го И́рода, от
него́ же и му́ченическую кончи́ну прия́л еси́.
Покланя́ющеся у́бо честне́й главе́ твоéй, мо́лимся
ти́: изба́ви на́с от страсте́й безчéстия, да чи́стым
се́рдцем и усты́ поём: Аллилу́иа.

И́кос 9

Витийство всякое земнородных не довлéет
достойно восхвалити тя, Иоáнне богохвáльне: те-
бе бо уста Христо́вы похвалíша, вы́сша проро́-
ков и бо́льша всёх рождéнных женами тя
наименова́ша. Отонúдуже достóйную похвалу́
принести́ тебе́ недоумева́юще, вопи́ем ти́ сице-
вая:

Ра́дуйся, Цéркве Христо́вы вели́кая сла́во;
ра́дуйся, А́нгелов предивное чúдо.

Ра́дуйся, праотцев ра́дость и прославлéние;
ра́дуйся, проро́ков вы́сокая похвалó.

Ра́дуйся, Апóстолов богосвётлый вéнче;
ра́дуйся, святителéй велелéпая красотó.

Ра́дуйся, мучеников в но́вой благода́ти нача́-
ло;

ра́дуйся, преподóбных совершéние.

Ра́дуйся, праведных удобрéние;

ра́дуйся, дéвственников и пóстников основа́-
ние.

Ра́дуйся, всёх христиáн вели́кое утешéние;

ра́дуйся, я́ко от всѣх христи́анских ро́дов и́мя твоѣ просла́вляется.

Ра́дуйся, вели́кий Иоа́нне, Проро́че, Предте́че и Крести́телю Госпо́день.

Конда́к 10

Спасти́ ми́р прише́дшаго во плóти Христа́ Бо́га благовести́л еси́ и сущим во а́де: я́коже бо денница, предходя́щая со́лнцу, освети́л еси́ во тьме́ и сѣни смѣртней сидя́щих. Отону́дуже вско́ре Госпо́дем изведе́н бы́л еси́ со все́ми от ве́ка пра́ведными, поя́ Ему́, я́ко Иза́вителю и Победи́телю смѣрти: Аллилу́иа.

И́кос 10

Стена́ и прибе́жище спаси́тельное все́м, моли́твенно к тебе́ притека́ющим, божѣственный Иоа́нне: сего́ ра́ди пѣсньми похва́льными убла́жаем тя́ си́це:

Ра́дуйся, мо́щный заступни́че наш и ве́рный от бе́д храните́лю;

ра́дуйся, злостра́ждущих от духо́в зло́бы ско́рый помо́щниче и изба́вителю.

Ра́дуйся, непло́дствуя́щим благослове́ние от Бо́га низпосыла́я;

ра́дуйся, притека́ющих к тебе́ с ве́рою от
треволне́ния страсте́й избавля́й.

Ра́дуйся, во вражде́ су́щих ско́ро
умиротворя́й;

ра́дуйся, во вся́кой нужде́ и печа́ли усер́дно
притека́ющим к тебе́ ско́рую по́мощь подава́й.

Ра́дуйся, благотеку́щих от самообольще́ния и
пре́лести изыма́й;

ра́дуйся, вруча́ющим себе́ твоему́ хода́тайству
в ча́с сме́ртный помога́й.

Ра́дуйся, любя́щих тя́ от возду́шных мыта́рств
предста́тельством твои́м свобожда́й;

ра́дуйся, почита́ющих сла́вную па́мять твою́
ве́чныя жи́зни моли́твами твои́ми сподобля́й.

Ра́дуйся, ни́щих и вдови́ц и сирот заступле́-
ние;

ра́дуйся, по Бо́зе и Богоро́дице христиа́ном
прибе́жище и упова́ние.

Ра́дуйся, вели́кий Иоа́нне, Проро́че, Предте́че
и Крестите́лю Госпо́день.

Конда́к 11

Пе́ние вся́кое не довлéет по досто́янию
до́блестей твои́х восхва́лити тя́, Крестите́лю

Госпо́день; но мы́, любóвию понóуждени, дерза́ем воспева́ти вели́чия твоя́, е́же ми́лостивно приими́ от нас, первостоя́телю у Престо́ла Пресвяты́я Трои́цы, и моли́ свободи́тися нам от вся́кия скве́рны грехо́вныя, да чи́стым се́рдцем и устна́ми по́ем Бо́гу: Аллилу́иа.

И́кос 11

Свети́льника Свёта непристу́пнаго и все́светлых благода́тных дарова́ний все́го испо́лнена ты́, Иоа́нне богопросвещё́нне, ве́дуще, ра́достно прино́сим ти́ такова́я:

Ра́дуйся, самови́дче озари́вшего ты́ свы́ше Бо́жественнаго Свёта;

ра́дуйся, све́том добродете́лей твои́х просла́вивый Бо́га.

Ра́дуйся, Пресвяты́я Трои́цы велеле́пую сла́ву яви́вый;

ра́дуйся, пра́вый и дивный пу́ть к Небеси́ показа́вый.

Ра́дуйся, и су́щим во а́де Бо́га, явля́шагося во плóти, благовестите́лю;

ра́дуйся, ду́ш пра́ведных, от ве́ка в преиспо́дней держи́мых, возвесели́телю.

Ра́дуйся, Влады́ки Христа́ Бо́га дру́же
и́скренний;

ра́дуйся, яви́вый ми́ру Свѣт и́стинный.

Ра́дуйся, светоза́рное све́та ева́нгельскаго
сия́ние;

ра́дуйся, ро́да христиа́нскаго прославлѣ́ние.

Ра́дуйся, Со́вета Бо́жия исполне́ние;

ра́дуйся, я́ко от восто́к со́лнца да́же до за́пад
хва́льно и́мя твоѐ.

Ра́дуйся, вели́кий Иоа́нне, Проро́че, Предте́че
и Крестите́лю Госпо́день.

Конда́к 12

Благода́ти тезоимени́тый, Крестите́лю
Госпо́день, и то́ю обогати́вся, победоно́сец пре-
сла́вный показа́лся еси́: победи́л бо еси́ враги́ и
вся́кую зло́бу, и вели́кое служе́ние твоѐ му́чени-
ческим по́двигом запечатле́л еси́. Ны́не же, пред-
стоя́ Престо́лу Царя́ ца́рствующих, моли́ Его́
дарова́ти ве́рным победы́ на враги́ и во все́м
благопоспеше́ние, в добродете́лех же
благодатное укрепле́ние, пою́щим Ему́: Алли-
лу́иа.

И́кос 12

Пою́ще Бо́га, дивно́ в тебѣ́ просла́вляшагося, хва́лим тя́, богоблаже́нне Крестите́лю, я́ко и́скренняго дру́га Христо́ва, прославля́ем вели́кия по́двиги тво́я, ублажа́ем му́ченическую кончи́ну твою́ и сицева́я ра́достно вопие́м ти́:

Ра́дуйся, вселе́нский Апосто́ле и Но́ваго За́вета перво́му́чениче;

ра́дуйся, явлéнием Христа́ на земли́ открывша́гося Ца́рствия Небéснаго пёрвый проповéдниче.

Ра́дуйся, язы́ков Божéственное призва́ние предвозвестивый;

ра́дуйся, безвѣстная́ и та́йная премудрости́ Божия́ ми́ру явивый.

Ра́дуйся, божéственными́ дея́нии плодоно́сен па́че ины́х явивыйся;

ра́дуйся, я́ко свѣтом дѣл твои́х просла́вился Оте́ц Небéсный.

Ра́дуйся, я́ко в па́мяти тво́ей Це́рковь Христо́ву весели́ши неизрече́нно;

ра́дуйся, я́ко ны́не вѣчнаго наслажда́ешься весе́лия изобильно́.

Ра́дуйся, божественными лучами Трисолнечнаго Свѣта осияваемый;

ра́дуйся, яко со безплотными Трисвяту́ю пѣснь Бо́гу немолчно вопи́еши.

Ра́дуйся, яко ны́не, зеркалом разрешшимся, несредственне зри́ши Святу́ю Тро́ицу.

Ра́дуйся, вели́кий Ио́анне, Проро́че, Предте́че и Крестите́лю Госпо́день.

Конда́к 13

О вели́кий и пресла́вный Предте́че и Крестите́лю Госпо́день Ио́анне, приими́ от нас ны́не приносимо́е тебѣ моле́ние и твоими богоприятными к Бо́гу моли́твами изба́ви нас от всякаго зла́, и вѣчныя изми́ му́ки, и наслѣдниками Ца́рствія Небѣснаго соде́лай, да во ве́ки поём Бо́гу: Аллилу́иа.

Этот конда́к читается трижды, затем 1-й и́кос «Арха́нгел Гаври́ил...» и 1-й конда́к «Изра́нный от ле́т...».

Моли́тва

Крестите́лю Христо́в, проповѣднице пока́яния, ка́ющагося не прѣзри мене́, но, совокупля́ясь с во́и Небѣсными, моли́ся ко Влады́це за мене́, недостойнаго, уны́лаго,

немо́щнаго и печа́льнаго, во мно́гия бе́ды
впа́дшаго, утру́жденнаго бу́рными по́мыслы ума́
моего́. А́з бо е́смь верте́п злы́х де́л, отню́д не
име́й конца́ грехо́вному обы́чаю: пригво́жден
бо е́сть у́м мо́й земны́м веще́м. Что́ сотворю́, не
ве́м, и к ко́му прибегну́, да спасе́на бу́дет ду́ша
мо́я, то́кмо к тебе́, святы́й Иоа́нне, благода́ти те-
зоиме́ните, я́ко ты́ пред Го́сподем, по Богоро́ди-
це, ве́м бо́льша бы́ти ро́жденных все́х: ты́ бо спо-
до́бился еси́ косну́ться верху́ Царя́ Христа́,
взе́млющаго грехи́ ми́ра, А́гнца Бо́жия. Е́гоже
моли́ за грешну́ю мою́ ду́шу, да поне́ отны́не, в
первы́йна́десять ча́с, понесу́ тяготу́ благополу́ю и
прииму́ мзду́ с послéдними. Е́й, Крестите́лю
Христо́в, честны́й Предте́че, крайни́й проро́че,
пе́рвый во благода́ти му́чениче, по́стников и
пусты́нников наста́вниче, чистоты́ учи́телю и
бли́жний дру́же Христо́в, ты́ молю́, к тебе́
прибега́ю, не отрини́ мене́ от твоего́ заступле́-
ния, но возста́ви мя́, па́дшагося мно́гими грехи́:
обнови́ ду́шу мою́ пока́нием, я́ко вторы́м
креще́нием, поне́же обо́его нача́льник еси́:
креще́нием омы́ваяй грех, пока́ние же
пропове́дуяй во очи́щение ко́гождо де́л
скве́рных: очисти́ у́бо мя́, грехми́ оскверне́ннаго

и понуди внѣти, а́може ничто́же сквѣрно вхо́дит
в Ца́рствие Небе́сное. Ами́нь.

